



Mythau a ffeithiau 2017/18

Myth

Ni all fy mhlentyn fforddio mynd i'r brifysgol, mae'n rhy ddrud

Mae pob coleg a phrifysgol yn codi £9,000

Ffaith

Ni fydd yn rhaid i unrhyw fyfyrwr dalu ffioedd dysgu ymlaen llaw er mwyn mynd i brifysgol neu goleg, gan fod amrywiaeth eang o help ariannol ar gael gan Gyllid Myfyrwyr Cymru. Gall pob myfyrwr cymwys, beth bynnag fo incwm ei gartref, wneud cais am:

- Fenthyciad Ffioedd Dysgu a Grant Ffioedd er mwyn talu cost lawn y ffioedd; a
- Benthyciad Cynhaliaeth i helpu talu costau byw.

Efallai y bydd myfyrwyr hefyd yn gallu cael Grant Dysgu Llywodraeth Cymru (grant costau byw) neu Grant Cefnogaeth Arbennig ac mae cymorth ychwanegol ar gael i fyfyrwyr sydd ag anabled neu blant neu oedolyn sy'n dibynnu arnynt yn ariannol.

Mae rhai prifysgolion a cholegau yn codi llai na'r uchafswm o £9,250 — ond dylech droi at eu gwefannau unigol am wybodaeth ynghylch ffioedd cyrsiau. Hyd yn oed os yw'n codi'r £9,250 llawn, efallai y bydd myfyrwyr yn dal yn gymwys i gael ildiad ffi, gostyngiad neu fuddion eraill. Dylai gysylltu â'i brifysgol neu goleg am ragor o wybodaeth.

Ni fydd yn rhaid i unrhyw fyfyrwr dalu ffioedd dysgu ymlaen llaw. Yn ddibynnol ar a yw'n astudio cwrs mewn prifysgol a ariannir gan arian cyhoeddus neu brifysgol breifat, efallai y bydd myfyrwr newydd yn gymwys i gael Benthyciad Ffioedd Dysgu a Grant Ffioedd a fydd yn talu ei ffioedd. Gall prifysgolion a cholegau preifat godi mwy na £9,250, ond dim ond uchafswm y Benthyciad Ffioedd Dysgu, sef £6,165, y gall eich plentyn ei gael, ac ni fydd yn cael Grant Ffioedd.

Bydd yn rhaid ad-dalu'r Benthyciad Ffioedd Dysgu, ond nid nes y bydd ei incwm dros £21,000 y flwyddyn. Ni fydd yn rhaid ad-dalu'r Grant Ffioedd.

Myth

Bydd ad-daliadau'r benthyciadau yn faich enfawr ac yn dal fy mhlentyn yn ôl

Bydd dyled myfyriwr yn atal fy mhlentyn rhag cael morgais neu fenthyciadau eraill

Os na fydd fy mhlentyn yn gallu fforddio ad-dalu'r benthyciad, bydd yn rhaid i mi ei dalu

Os bydd fy enillion yn uchel, ni fydd fy mhlentyn yn cael unrhyw gymorth

Mae fy mhlentyn yn 21 oed ac mae wedi gadael y cartref, felly mae'n cael ei ystyried i fod yn fyfyrwr annibynnol

Ffaith

Ni fydd ad-daliadau yn cychwyn nes bydd incwm eich plentyn dros £21,000 y flwyddyn, £1,750 y mis neu £404 yr wythnos. Pan fydd yn dechrau ad-dalu, bydd y swm y bydd yn ad-dalu yn seiliedig ar ei incwm, nid y swm a fenthycwyd.

Er enghraifft, os bydd yn ennill £25,000 y flwyddyn, mae hynny yn golygu swm o £30 y mis (9% o £4,000, wedi'i rannu gyda 12 mis). Bydd yr ad-daliadau yn stopio os bydd eich plentyn yn stopio gweithio neu os bydd ei incwm yn llai nag £21,000 y flwyddyn.

Bydd y swm y bydd yn ei ad-dalu bob mis yn cynyddu gyda'i enillion – yn debyg i dreth – ac fel arfer, cesglir yr ad-daliadau gan ei gyflogwr gyda'i dreth a'i Yswiriant Gwladol.

Mae benthyciadau yn cael eu canslo 30 mlynedd wedi iddynt fod angen cychwyn ad-dalu.

Mae benthyciadau myfyrwyr yn enghraifft o fenthycia diwarant gan y llywodraeth ac maent yn wahanol iawn i gardiau credyd neu fenthyciadau masnachol. Ni fyddant yn cael eu cynnwys mewn ffelïau credyd ac ni fyddant yn ymddangos mewn archwiliadau credyd.

Mae benthyciadau myfyrwyr yn gyfrifoldeb y myfyriwr sy'n ei dderbyn yn unig. Ni ellir trosglwyddo atebolrwydd ar gyfer y benthyciadau i'w rhieni nac unrhyw un arall. Os nad yw incwm y myfyriwr dros y trothwy, yna nid oes rhaid ad-dalu.

Nid yw'r holl gyllid i fyfyrwyr yn dibynnu ar incwm y cartref - a gall wneud cais am y canlynol dan unrhyw amgylchiadau:

- Benthyciad Ffioedd Dysgu a Grant Ffioedd er mwyn talu am gost lawn ffioedd; a
- Benthyciad Cynhaliaeth i helpu talu ei gostau byw - nid yw 75% o'r Benthyciad Cynhaliaeth yn ddibynnol ar incwm y cartref.

Er mwyn cael ei ystyried i fod yn fyfyrwr annibynnol, rhaid iddo berthyn i un o'r categorïau hyn:

- rhaid iddo fod yn 25 oed neu'n hŷn;
- rhaid ei fod wedi gadael cartref y rhieni ac wedi bod yn cynnal ei hun yn ariannol am o leiaf dair blynedd cyn diwrnod cyntaf blwyddyn academiaidd gyntaf ei gwrs;
- rhaid ei fod yn briod neu mewn partneriaeth sifil neu wedi bod yn briod neu mewn partneriaeth sifil;
- rhaid ei fod yn gyfrifol am ofalu am unigolyn dan 18 oed, beth bynnag fo'i berthynas gyda'r plentyn;
- rhaid ei fod wedi ymddieithrio o'i rieni yn barhaol; neu
- wedi bod yn derbyn gofal gan ei awdurdod lleol.

Byddwn yn gofyn am dystiolaeth i gadarnhau ei fod yn annibynnol.

Myth

Os bydd fy mhlentyn yn symud dramor, ni fydd yn rhaid ad-dalu ei fenthyciad myfyriwr



Ffaith

Pan fydd eich plentyn yn cael benthyciad, bydd yn cytuno i wneud yr ad-daliadau a fydd yn ddyledus. Os yw'n symud dramor, rhaid rhoi gwybod i'r Cwmni Benthyciadau i Fyfyrrwyr er mwyn i ni allu gwneud trefniadau iddo barhau i ad-dalu'r benthyciad.

Gallwch gael rhagor o wybodaeth ar ad-dali trwy droi at www.slc.co.uk/ad-dalu

Mae Cyllid Myfyrrwyr Cymru yn wasanaeth a ddarparir gan y Cwmni Benthyciadau i Fyfyrrwyr. Rydym yn darparu cymorth ariannol ar ran Llywodraeth Cymru i fyfyrrwyr o Gymru sy'n cychwyn ar gwrs addysg uwch yn y DU.

www.cyllidmyfyrrwycymru.co.uk/ymarferwyr

 facebook.com/SFWales

 twitter.com/SF_Wales

 youtube.com/SFWFILM

cyllid myfyrrwyr cymru
student finance wales

